

МАЙТЬ

8-це шистонза 1941 кизоня

51 (1847)

ПИТНЕЦ 10 тр.



Комсомо́л ВАЙГЯЛЬ

ВЛКСМ-нь МОРДОВСКИЙ ОБКОМЪ И САРАНСКИЙНЪ ГОРКОМЪ ГАЗЕТАСНА

ЛИСЕНДИ

9-це КИЗОСЪ

Адрессь: г. Саранск,
Советская ул., Дом печати.

Организованнаста йотафтомс кроссть

Сявомок июнь 1-це шистонза и 15-це шинцы модемс Мордовияса ВЛКСМ-нь ЦК-ть решениянц коряс кармай этафневома республиканский комсомольский газетатненъ лемса массовой комсомольский кросс (ласькомать коряс соревнованият).

Комсомольт тя од массовой мероприятия арси продолжениякс этафть лыжной кроссти и гимнастический соревнованиятнendi и аш кодамовок сомнения, што сон этай оию успех мархта. Залогоек тяди арси ся, што ВЛКСМ-нь ЦК-ть тя решениянц комсомольский массатненъ мархта васьфтьф оию радость и одобрения мархта.

Йотафнемок эряфс тя од мероприятия, комсомольс сядонга пях кемокстасы эсь анок шинц родинаньконъ аралама и сядонга пях приблизит эсь работанцы аф союзнай од ломанень массать.

Сянь инкса, штоба нинге сядонга пях кемокстасы минь родинаньконъ обороноспособностенц, эряви мужественнай спорт, конац ба воспитывал выносливость, неустранимость и максоль ба ломанти вий. А этафтама спортке ащи тя кроссь, конац вельде комсомольс тонады сявондема сембе препятствиятненъ и анокласы эсь прынц Якстерь Армияв достойнай воинкс.

Фка инь замечательнай особенностекс тя кроссть эса ащи ся, што тейнза аф эряви кодамовок специальной оборудованья. Любовай вастсь может улемс пригоднай ласькомань состязаниятнendi и ули кода таргамс нят соревнованиятнendi сядонга лама тейнян ломань предыдущай соревнованиятненъ коряс.

Коданга и мзярдонга аф эряви лотксемс ня сатфксненъ лангс, конат сатфт этай кроссенъ эса. Кой-кона ВЛКСМ-нь райкомонь руководителхне могут арьсемс и тяфта, што районть эса кроссене этасть цебарьста, народсь анок, сталобыть предстоящай кроссти аф обязательна сембе вийса анокламе. Тяфтама корхнематне аф видет и пях вреднайхть.

Тяфтама успокоенность марьяви республикаты аф фка районганза. Правда, кой-кона, кода Саранскийнъ, З.Полянскийнъ и лия райоттненъ эса ушедеть ни тренировочнай занятиятненъ этафнема, но тя нинге ичкози аф сатомшка сяс, мес этафневи занятиятне аф отвечайхть сят требованиятнendi, конатненъ предъявляет программа.

Предстоящай кроссть цебарьста этафтомац кармай ащема сянъ эзда, кда эрь комсомолецс, комсомольский организациася и ВЛКСМ-нь райкомс организавандасэс сонъ, ушedomком командатненъ тренировкаста, дистанциянъ и судьянъ кочкамаста.

Серьезнай мяль эряви шарфтомс соревнованиятнendi анокламаты пингста-тяфтама положеният лангс, штоба аф нолдамс тя-тевса штурмовщина, аврал и кампанейщина, конат аф кирдихть мезевек общай комсомолецненъ физический воспитанияснон мархта.

Печатлави тячиень номерса тренировочнай занятиянъ программась максы кели массатнendi возможность сяди цебарьста организавандас тренировочнай занятиятненъ и этафтомс кроссть сядонга цебарьста этай соревнованиятненъ коряс. Сембе условиятне тяди минь республикасонк улихть.

ЧИТАТЕЛЬНЪ, РАБСЕЛЬКОРНЪ И ПЕЧАТЕНЪ РАБОТНИКОНЪ ТОРЖЕСТВЕННАЙ СОБРАНИЯСЪ— СТАЛИН ЯЛГАТИ

Кельгома Иосиф
Виссарионович!

Минь, Мордовский АССР-нь, Саранск ошень рабселькорхне, читательхне и большевистский печатень работнике, пуромомок торжественнай собранияс, кона посвященнай большевистский печатень шити, кучтама Тейть, Иосиф Виссарионович, пламенный большевистский привет.

Газетатненъ работаснон перестройканц колга ВКП(б)-нь ЦК-ть решениянц и Тонь, Сталин ялгасъ, указаниятненъ мархта вооружандафста, минь республиканьконъ печатец ламода цебарьгофтозень эсь сотксонзон массатненъ мархта, кармась сяди глубокайста освещать партийнай работанъ, экономиканъ, культуранъ и бытонъ кизефксненъ.

Однак, тя анышек ушеткс работати ВКП(б)-нь ЦК-ть решениянзон и Тонь указаният-

ненъ, Сталин ялгасъ, пашкоткшнемаса.

Минь обязуемс, Иосиф Виссарионович, пуромс марнекс эсь вийньконъ сянди, штоба пашкодемс ВКП(б)-нь ЦК-ть решениянзон газетатненъ работаснон перестройкасон колга и мобилизовандас минь республиканьконъ трудяшайнзон XVIII Всесоюзнай партконференцият решениянзон пашкодмасонды, тунданъ видема кампаният курокоп пингста этафтомацты и минь республиканьконъ трудяшайнзон культураснон сяди тов кеподемацты.

Шумбра улеза большевистский печатсь—минь партианьконъ инь оржа оружиян!

Шумбра улеза марнек миронъ трудяшайхненъ вождьсна, минь кельгома алянке и учительнке великай Сталинц!

СССР-нь ВЕРХОВНАЙ СОВЕТТЬ ПРЕЗИДИУМОНЦ УКАЗОЦ

В. М. Молотов ялгать
СССР-нь Народнай Комиссаронъ
Советонъ
ПРЕДСЕДАТЕЛЕНЪ ОБЯЗАННОСТЬСТА
ОСВОБОЖДЕНИЯНЦ КОЛГА

Сяс мес В. М. Молотов ялгасъ ламоксть заявлял сянъ колга, што тейнза стака мольфтемс СССР-нь Совнаркомонъ Председателень обязанностне Иностраннай Тевонъ Народнай Комиссаронъ обязанностненъ мархта фка пингста, удовлетворить В. М. Молотов ялгать просьбанц СССР-нь Народнай Комиссаронъ Советонъ Председателень обязанностьста сонъ освобождениянц колга.

СССР-нь Верховнай Советть Президиумонц Председателец
М. КАЛИНИН.
СССР-нь Верховнай Советть Президиумонц Секретарец
А. ГОРКИН.

Моску, Кремль.
1941 кизонь 6-це майста.

СССР-нь ВЕРХОВНАЙ СОВЕТТЬ ПРЕЗИДИУМОНЦ УКАЗОЦ

И. В. Сталин ялгать СССР-нь
Народнай Комиссаронъ Советти
ПРЕДСЕДАТЕЛЬКС НАЗНАЧАДАМАНЦ
КОЛГА

Назначандамс Иосиф Виссарионович Сталин ялгать СССР-нь Народнай Комиссаронъ Советти Председателькс.

СССР-нь Верховнай Советть Президиумонц Председателец
М. КАЛИНИН.
СССР-нь Верховнай Советть Президиумонц Секретарец
А. ГОРКИН.

Моску, Кремль.
1941 кизонь 6-це майста.

СССР-нь ВЕРХОВНАЙ СОВЕТТЬ ПРЕЗИДИУМОНЦ УКАЗОЦ

В. М. МОЛОТОВ ялгать СССР-нь Народнай
Комиссаронъ Советть Председателенцы
заместителькс назначандаманц колга

Назначандамс Иностраннай Тевонъ Народнай Комиссаръ Вячеслав Михайлович МОЛОТОВ ялгать СССР-нь Народнай Комиссаронъ Советть Председателенцы заместителькс.

СССР-нь Верховнай Советть Президиумонц Председателец
М. КАЛИНИН.
СССР-нь Верховнай Советть Президиумонц Секретарец
А. ГОРКИН.

Моску, Кремль.
1941 кизонь 6-це майста.

Од читателень конференция

Майть 6—7-це шинзон эзда Центральнай библиотеке читательнай залсонза ВЛКСМ-нь Саранскийнъ горкомс и писателень правленийс этафть од читателень ошень конференция, коса примасъ участия 200-шка ломань. Тя няфнесы кодама интереса ошень од ломатне лувондыхть художественнай литература.

Конференцият панжезе ВЛКСМ-нь горкомъ секретарец Потемкин ялгасъ. Эсь вступительнай валсонза няфтезе, кодама оию значения художественнай литератураты социалистический строительства и ломаттненъ воспитания.

Темась читателень конференцияс ульсь: «Социалистический строительство и од ломанть образцов художественнай литературасы». Тянь коряс доклад тис Мордовский пединститутонъ преподавательс Бихтер ялгасъ. Сон лотксесъ художест-

веннай литературасы од ломанень обрасненъ лангс. Корхтась Чернышевскийнъ «Что делать?», М. Горькийнъ «Мать», «Жизнь Клима Самгина», Маяковскийнъ стихотворениястонза, Фадеевонъ «Разгром», Гладковонъ «Цемент» и лия произведениятненъ эса од ломанень обрасненъ колга. Докладчикс няфтезень, кодамот качествасна ня произведенийтненъ эса няфтьф од ломаттненъ.

Тяфта жа лотксесъ мекольденъ пингста нолдаф произведениятненъ эса няфтьф од ломанень обрасненъ лангс. Касиллень «Сила противостояния», Гайдаронъ «Тимур и его команда», Юрий Крымовъ «Танкер Дербент» произведениясон лангс.

Докладсь ульсь кулхонцф оию мяльса. Тяда меле ушедеть читательхненъ корхтамасна.



СВИМБАСА: Рузаевский железнодорожной училищанъ отличникс Яшин ученикс.
Фотосъ Веретенниковъ.

ФЗО школатнendi,
ремесленнай и
железнодорожной
училищатнendi очередной
призывсь

Июнь 5-це шистонза сявомок 20-це шинцы самс призывонъ (мобилизациянъ) порядкаса должен улемс примаф ФЗО школатнendi 325 тейнян юноша ошень, колхознай и велень лия 16—17 кизонъ возраста од ломаттненъ эзда. Ремесленнай и железнодорожной училищатнendi примамась ули этафть августь 5-це шистонза сявомок 20-це шинц самс. Училищатнendi должен улемс примаф 329 тейнян ломань ошень и колхознай 14—15 кизонъ возраста цёранятненъ эзда.

Угольной, горноруднай, металлургический, химический промышленностень, железнодорожной транспортонъ, строительнай тевонъ и стройматериалонъ промышленностень ФЗО школатнendi кармайхть примсвома 17 кизоса од ломатть, а угольной, горноруднай металлургический, химический промышленностень ремесленнай училищатнendi 15—16 кизонъ возраста.

Ремесленнай и железнодорожной училищатнendi открытай (добровольнай) наборонъ порядкаса ули примаф 35 тейнян ошень тонафни 15—16 кизонъ возраста стирнятненъ эзда.

Колхознай молодежи, кона призванай школатнendi и училищатнendi, киге молема пингонди максевы верхняй одежда, обувь, кафксть полафтоманди белья и питаниянъ продуктат колхозненъ счета; ошень и велень молодежи, конат аф колхозот,—родительснон счета, а детский домонъ воспитанникнendi—наркомпронсноргаттненъ счета.

(ТАСС).

КОМСОМОЛЬСКИЙ ГАЗЕТАТНЕНЬ ЛЕМСА МАССОВАЙ КОМСОМОЛЬСКИЙ КРОССЕНДИ ТРЕНИРОВОЧНОЙ ЗАНЯТИЯНЬ ПРОГРАММАСЬ

1. Алятненди 1 ступенень ГТО значокс и юношатненди БГТО значокс 1000 метра

Тренировканы васенце шиня. Прогулочнай темпса молезь 1,5 клм. ётамась. Якамда меле 600 метрань кувалмос ласькомась аф вишке темпса, а меле нинге ётамс 1,5 клм.

Омбоце шиня. Ыотамс 1 клм., а меле средний темпса ласькозь ётамс 800 метра и нинге 1 клм. ётамс яказь.

Колмоце шиня. Ыотамс 500 метра вишкста, а меле средний темпса ласькозь ётамс 500 метра. (Тиемс кафксть).

Нилеце шиня. 800 метра ётамс средний темпса ласькозь, меле ётамс вишке темпса яказь 500 метра, средний темпса ласькозь ётамс 800 метра.

Ветеце шиня. Ыотамс кафксть 300 метра ласькозь ускорения мархта, ускорениятнень ётка тиендемс перерыфт. Тядя меле ётамс прогулочнайста яказь 1 клм.

Котоце шиня. Савор темпса ласькозь ётамс 1200 метра, тядя меле яказь ётамс 100 метра.

Сисемце шиня. Ыотамс 500 метра ласькозь 1000 метрас норманди максомань темпса, мезьда меле ётамс 1 клм. прогулочнай темпса яказь.

Кафксоце шиня. 1 клм. прикидка.

Вейхсоце шиня. Прогулочнайста яказь ётамс 1 клм., мезьда меле савор темпса ласькозь ётамс 1500 метра.

Кемонце шиня. Савор темпса ласькозь ётамс 800 метра, мезьда меле 300 метрань кувалмос кафта ускореният (эрь ускорения меле 5 минутань перерыв мархта), мезьда меле савор темпса ласькозь ётамс 1 клм.

2. Алятненди II-це ступенень ГТО значокс 3000 метра

Васенце шиня. Средний темпса яказь ётамс 1,5 клм., мезьда меле ётамс ласькозь савор темпса 1 клм. и нинге ётамс яказь 1,5 клм.

Омбоце шиня. Ыотамс 4—5 клм. средний темпса яказь, эрь клм. ётамда меле ласькомс средний темпса 500 метра.

Колмоце шиня. Средний темпса яказь ётамс 6 клм. Эрь клм. ётамдонза меле ётамс средний темпса ласькозь 500 метра.

Нилеце шиня. Савор темпса ётамс ласькозь 2 клм., тядя меле прогулочнай темпса ётамс 1 клм. и нинге ётамс савор темпса ласькозь 2 клм.

Ветеце шиня. Ласькозь ётамс средний темпса 1 клм., меле вишке темпса яказь ётамс 500 метра. (Тиемс колмокеть).

Котоце шиня. Средний темпса ласькозь ётамс 2 клм. Тядя меле яказь ётамс 1 клм., нинге ласькомс савор темпса 2 клм.

Сисемце шиня. 2 клм. ётамс ласькозь 3000 метрас норманди максомань темпса, мезьда меле молезь ётамс 1 клм.

Кафксоце шиня. 3 клм. прикидка.

Вейхсоце шиня. Савор темпса ласькозь ётамс 4 клм., мезьда меле яказь ётамс прогулочнай темпса 1 клм.

Кемонце шиня. Средний темпса ласькозь ётамс 2 клм., тядя меле 1 клм. ётамс яказь и меле нинге ётамс 2 клм. савор темпса ласькозь.

3. Аватненди 1 ступень ГТО значокс и стириятненди БГТО значокс 500 метра

Тренировканы васенце шиня. Средний темпса яказь ётамс 1 клм., тядя меле савор темпса ласькозь ётамс 200 метра, а меле яказь ётамс 1 клм.

Омбоце шиня. Средний темпса яказь ётамс 700 метра, тядя меле савор темпса ласькозь ётамс 300 метра, мезьда меле ётамс средний темпса яказь 2 клм.

Колмоце шиня. Вишке темпса яказь ётамс 500 метра, тядя меле савор темпса ласькозь ётамс 300 метра. (Тиемс 2-ть).

Нилеце шиня. Савор темпса ласькозь ётамс 500 метра, мезьда меле яказь ётамс 500 метра, а меле средний темпса ласькозь ётамс 500 метра.

Ветеце шиня. Ускорения мархта ласькозь ётамс 200 метра, мезьда меле яказь ётамс 300 метра. (Тиемс колмокеть).

Котоце шиня. Вишке темпса яказь ётамс 100 метра, тядя меле ётамс ласькозь ускорения мархта 100 метра, мезьда меле яказь ётамс 100 метра. (Тиемс колмокеть).

Сисемце шиня. Ыотамс 200 метра 500 метрас норманди максомань темпса, тядя меле ётамс яказь 200 метра. (Тиемс кафксть).

Кафксоце шиня. Прикидка 500 метрас.

Вейхсоце шиня. Ыотамс 800—900 метра прогулочнайста яказь, мезьда меле ётамс ласькозь савор темпса 800 метра.

Кемонце шиня. Прогулочнайста яказь ётамс 800 метра, тядя меле кафта ускореният 100 м метрань эрь ускорения меле тиемс 5 минутань перерыв, мезьда меле савор темпса ласькозь ётамс 600 метра.

4. Аватненди II ступень ГТО значокс 1000 метра

Васенце шиня. Яказь ётамс 3 клм. Эрь километрада меле савор темпса ётамс 300 метра ласькозь.

Омбоце шиня. Яказь ётамс 4 клм., эрь клм. мельге 400 метра ётамс савор темпса яказь.

Колмоце шиня. Савор темпса ласькозь ётамс 600 метра, тядя меле яказь ётамс 500 метра, мезьда меле ётамс средний темпса ласькозь.

Нилеце шиня. Савор темпса ласькозь ётамс 1000 метра, мезьда меле яказь ётамс 1 клм.

Ветеце шиня. Средний темпса ласькомс 500 метра, тядя меле 500 метра ётамс вишкста яказь и ётамс ласькозь ускорения мархта 200 метра, мезьда меле ётамс яказь 600 метра.

Котоце шиня. Средний темпса ласькозь ётамс 800 метра, мезьда меле прогулочнайста яказь ётамс 1 клм. и меле савор темпса ётамс 600 метра.

Сисемце шиня. Ыотамс 500 метра 1000 метрас норманди максомань темпса, мезьда меле ётамс 1 клм. прогулочнайста яказь. (Тиемс кафксть).

Кафксоце шиня. Прикидка 1000 метрас.

Вейхсоце шиня. Савор темпса 1.200 метра ётамс ласькозь, мезьда меле ётамс прогулочнайста яказь 1 клм. и меле савор темпса ласькозь ётамс 800 метра.

Кемонце шиня. Ыотамс савор темпса ласькозь 600 метра, тядя меле кафта ускореният 200 метрас, ускорениятнень ётка тиендемс перерыфт.

ВЛКСМ-нь ОБКОМСА

Сяс, мес физический культураса и спорта занимадмат оцю интересь комсомолецнень и од ломаттнень ётка, пняк эряви келептемс существующей физкультурной базаты велеса. Лувомоткян, ВЛКСМ-нь обкомс лувондсы возможнайди физкультурниконь III шити комсомолецнень и од ломаттнень вийснон мархта строямс республикаса 350 спортивной площадки.

ВЛКСМ-нь обкомт бюроц обязал ВЛКСМ-нь райкомтнень и горкомтнень марса физкультурной организациятнень мархта разработать практический мероприятия спортивной площадки строямат коряс снй инкса, штоба комсомолецнень и од ломаттнень вийса физкультурниконь III шити эрь района и Рузаевка ошса строямс кемонень площадка, Саранск ошса 25 площадка.

ВЛКСМ-нь обкомс рекомендовал ВЛКСМ-нь райкомтнень и горкомтнень сувамс местной советонь исполнительный комитеттнень кизефке мархта района и ошса спортивной сооружения строямат колга.

15-це ЛОТЕРЕЯТЬ ЛАНГС ПОДПИСКАСЬ

Аф кунара Саранскийн «Красный Октябрь» типографияс ульсь ётафт митинг, кона посвященый Осоавиахимонь 15-це лотереянь билеттнень лангс подписать колга Осоавиахимонь ЦС-ть постановленийн обсуждаманцы.

Собранияс доклад мархта выступил парторганизациян секретарь Родский ялгас, кона азондозе кодама значения Советский Союзта оборонани кемокстамаса тя мероприятия.

Рабочайне Пузаков. Шелимов и лиятвешть, штоба 15-це лотереянь билеттнень лангс сёрматфомс сяда успешна и аф 15—20 цалковайда кржа аф ломанти. Тякжа собранияс Пузаков ялгас сёрматфть 50 цалковайс, Шелимов—15, Юткин—20.

Сёрматфомась моли.
И. Девин.

КОМСОМОЛЕЦНЕ РАБОТАНЬ ИНЬ ВАЖНАЙ УЧАСТКАС

Барановка велень комсомольский организацияс сембоц лувондои 9 комсомолец. Сембе комсомолецне работайхть колхозса работань инь важнай участка: комсомолец Н. Данилов—жуватань фермаса свинарькс, Г. Татаровс—тундань видемат пингста сеяльщикокс, И. Татаровс—старшай пахарькс, Рошинь и С. Даниловс—тяка жа колхозса работайхть трактористокс, И. Черакшевс инзай, Явишкинц—помощникос счетоводи и Черакшевс работай избачекс.

Работамок колхозной производствать ня важнейшай участкавнза, комсомолецне няфнихть оцю производственной показателхть. Надин—кузнецс ламода срока инголе петезень марнек с/хоз. инвентарть пебарь качества мархта, мезенькса правленийс сонь казезе. Даниловс аф калдыв-



Алма-Атинский областной авто-мотошкола од ломатне то-нафнесазь авто-мототевть.

КСНИМКАСА: Школань инструкторс И. Д. Лукинц и Ленинть лемса колхозонь амбулаторият фельдшероц М. З. Новыковась практический занятияс.

Фотось Б. Сагитовть (фотохроникась ТАСС-ть).

ЛОТЕРЕЯТЬ РАСПРОСТРАНЕНИЯ МОЛИ УСПЕШНАЙСТА

Осоавиахимть XV-це лотереянь нолдамань васьфтьф Мордовиян трудящайхнень ширде оцю одобрения мархта. Кангуши велень средний школань ученикне приветствовандамок лотереянь нолдаманц, васенце шить эздакиге рамасть 500 цалковайн питнес. Башка ученикне, кода Шушкин, Тренкина, Автайкин, Черепкин и лама лия

ялгат сясвь 5—10 цалковайн питне кажнайсь.

Ученикне-комсомолецне аф ёмла лезкс максихть колхознай организацияти массово-разъяснительнай работаса тя мероприятия успешнайста ётафтоманц инкса.

Ф. Кудашкин.

Ельниковский район.

Култмассовой работась паксыс

Лекцият, докладт и беседат Малавонь изба-читальняс, эряихть сидеста. Изба-читальняс лувондовихть лекцият аф анычек политический, но и различнай научнай темас. Мекольдень пингть читальняс ульсь лувфт лекцият «Коста сивовсь ломанць», «Чарльз Дарвинть биография» и лия темань коряс. Лекциятнень лувозь средний школань учительс Т. Н. Клоков и ученикс П. Ф. Сараев.

Читальняс улихть свежай газетат, журналхт, художественнай литература, музыкальнай инструмент, шашкат и шах

матт. Колхозникне, особенно од ломатне, сембе свободнай пингснон ётафнесазь весяласта и культурнайста.

Тяни избачьс Гагин ялгась школьной комсомольский организацият лезксонц вельде организовандась колхозникненди культурнай обслуживания паксыс. Организовандаф агитбригада, кемокстафт чтетт и беседчикт. Сон читальнят сембе работанц сосредоточил сяньди, штоба успешнайста аделамс тундань видемат.

С. Кечин.

Рыбинский район.

видема. Апрельть 23-це шистонза обедта меле пахарень звенась, коса старшай звеноводсь-комсомолецс Татаровс, кярмодсть паксынь работатненди. Ушedomок сокама и виде-ма, «Пролетарий» колхозонь комсомолецне сувасть социалистический сореvнованияс, организовандасть стенной газета (редакторс Явишкинц), кемокстафт чтетт паксынь работань участкатнень эзга, лихтеть решения нинге сядонга пебарьста ладамс работать изба-читальняс, штоба сон улель трудящайхнень воспитателькс.

Йотафтомок ня сембе мероприятиятнень, «Пролетарий» колхозсь пашкодсь Сталинский лозунгть—получай 100 пуд сёра эрь гектарста.

Карл Черакшев.

Атюрьевский район.

КОЧЕЛАЕВСКИЙ ШКОЛАСА ОБОРОННОЙ РАБОТАСЬ

КОМСОМОЛЕНЦЕ ОБОРОННОЙ РАБОТАСЬ ИНИЦИАТОРХТ

Минь комсомольский организационный оборонной работы шарфни оцю мяль. Тя кизоня комсомолене максозь сембе норматненъ 2—4 оборонной значоконди.

Комсомоленецъ ётка листъ оборонной работанъ замечательный активист. Ламоп синь эздост лыжный кросс и гимнастический соревнованиятненъ ётафтомста ульсть командиркс, жоса няфтеть командирский званият и способность.

Лама комсомолец ащи военнотфизкультурный кружокненъ эса руководителкс и инструкторкс. Казаков Сержась руководит 1-це № стрелковой группат мархта, Федоров Семась руководит 2-це № стрелковой группат мархта. Нят яглатне Якстерь Армиянконъ рядонзонды аноклайхть замечательный стрелокт.

Комсомольский организационный инициативанц вельде тини школанъ ученикненъ эзда пуроптфт футбольнай, волейбольнай и плавецненъ 6 командат, конат эсь работаснон ушесазь инь маластонъ пингть.

Комсомоленецъ решили оборудовать школьный физкультурный площадкатъ, коза тиеви нинге фкя купеца, путови турник и лия эрявикс оборудования. Тя тевти школанъ дирекциясь холдась ни сатомшка средстват.

Комсомоленецъ сембе военнотфизкультурной работатъ сочетают предстоящий испытаниятненди образцовайста анокламатъ мархта, конатненъ минь решили максомс аныпек отличной оценокса.

Мамков,

ВЛКСМ-нь комитетъ секретарец.

Овладевают военной теветъ мархта

Рыбинский районъ одломаттне оцю мяльса тонафнихть военной теветъ эса. Школатненъ эзда пуроптф ворошиловский стрелоконъ 20 групп, коса тонафни 270 ломанъ. Тяда башка, военной подготовкаса фатяфт районна сембе допризывникне.

Особенна оцю интересна военная тевети комсомоленецъ. Кагановичъ лемса колхозста 20 комсомолецъ эзда 19-ть улихть оборонной значоксна. Комсомолецъ Горбунов ялгасъ (Рыбинский средний школаста) анокласъ ПВХО-нь 60 значкист. Тяфта жа улихть тифтенъ оборонной значоксна Кировъ лемса, «Путь Ленина,

«Победа» и лия колхозста комсомоленецъ.

Военная игратне сувасть школьникненъ бытэзост. «На штурм» и «Разведчики» игратненъ эса примасъ участия 500 школьников.

Сембе няфактне корхтайхть сянь колга, што Рыбинский районъ комсомоленецъ и одломаттне мзирдонга аф юкнесазь Сталин ялгать валонзон советский народъ фалу мобилизационной готовностъ кирдеманц колга. Синь анокласазь эсь прыснон арамс родинатъ вооруженная виензон ряде.

И. Почтов.

Рыбинский район.

Лотереясь реализовандакшневи успешнайста

Лувомок Осоавиахимонъ Всесоюзной 15-це лотереять пях оцю оборонной значениянц, Каньгуш велень средний школанъ преподавательхне и ученикне пях успешнайста ётафнесазь билеттненъ реализациясь.

Синь реализациясь васеньшитненъ пингстакиге рамасъ ни 500 палковайда ламонъ питне лотерейнай билет.

Е. Кидямкин.

Ельниковский район.

Школатъ коллективоц—коллективной значкист


Военная обучениасъ—тевсь сложная и пях кропотливый. Сон эрь лемантъ эзда веши упорной и энергичной работа, и тьянь пях цебарьста шархкодезь Кочелаевский средний школанъ дирекциясь, комсомольский и Осоавиахимский организационные. Военная искусство тья или тона областени цебарьста тонадомаса синь активна участвовандайхть практический оборонной мероприятиятненъ эса. Массовой проверканъ тяфтама видкс ащеть школьный Осоавиахимский организационный 7-це противовоздушной оборонанъ Всесоюзной соревнованисна, конат ульсть 1940 кизоня.

Ня противовоздушной химический соревнованиятненъ эса примасъ участия 65 ломанъ, конат тья тевса няфтеть отличной показателхть. Синь упорной и настойчивый тонафнематъ вельде ПВХО-ть коряс Всесоюзной соревнованиятненъ эса СССР-са занязь 5-це вастъ, а

РСФСР-са листъ васенце вастти, мезенкса школьный Осоавиахимский организационный награжденная СССР-нь Осоавиахимонъ Центральной Советъ грамотасонза, соревнованианъ 4 участник премировандафт ярмаконъ премиясь.

Ня соревнованиятненъ отлична ётафтомдост меле школанъ комсомоленецъ и Осоавиахимовенецъ мобилизовандазь сембе вииснон школаса оборонной работатъ нинге сядонга цебарьста ладяманцты. Аныпек мекольденъ пингть Осоавиахимовенецъ тиендсть противогазса 19 поход, конатненъ эса примасъ участия 560 ломанъ. Тяда башка противогазса ётафт 22 тренировка. Ня тренировкактненъ мархта фатяфоль 660 лама ломанъ.

Школаса 1940—1941 тонафнема кизоня ламода каскъ оборонной значкистненъ лувксена. Тяни ученикненъ эзда 897 ламантъ улихть ПВХО-нь и ЮПВХО-нь значоксна, лиякс



Апрельть 20-це шистонза Ленинградонъ юнай туристтне листъ фкя шинь походс природатъ набулудениянц колга.

СНИМКАСА: 206-це школанъ ученикне, конат тистъ поход Шуваловав. Инголе ащикне—Эвелина Перельманцъ и Муся Мермельштейнцъ определяндакшнесазь компас коре направлениатъ. Фотосъ В. Тарасевичъ (ТАСС).

ВОЕННОЙ ВОСПИТАНИЯСЬ ШКОЛАСА

Минь школасонк эрь учениксъ военной теветъ тонафнесъ пях оцю интереса. Тянь колга пях яркайста корхтайся фактс, што тонафнема кизотъ 3 четвертензон эзда тья важнейшай дисциплинатъ коряс ученикненъ абсолютная успеваемостъна ульсь 100 процентнай. И можна азомс, што минь тонафнема кизотъ 4-це четвертенца аделасаскъ цебарь и отличной показателса. Тянди улихть сембе возможностьте.

Тя кизоня ётафтомс кафта лыжной кросс: комсомольский, и Осоавиахимский, конатненъ эса примасъ участия 147 комсомолец и ученик, конат пятай 100 процентс максозь лыжной норматненъ ГТО-нь значокти. Нят кроссене школаса сембе оборонной работатъ кеподезь нинге сядонга вари. Тяни минь школасонк сембе военнотфизкультурной работасъ ётафневи планомерна, эрь шиня.

Мекольденъ пингть минь ётафтомс лама различной массовой оборонной соревнованият, кода стрелбать, гранатометавиатъ, гимнастикатъ и лия виде коре. Ня соревнованиятненъ эса сембоц участника ульсь 1.800 лама ломанъ.

Школаса пуроптфолхть и цебарьста работайхть 21 различной оборонной кружок, конат великай пролетарский праздникъ—Майть 1-це шини честьс анокласть 378 значкист.

Минь кизонъ пингонди физкультурной работатъ мольфтемс тиеработанъ план. Тя плантъ эса детально арьсеф эрь кружокъ, командатъ, группатъ работац. И эряви азомс, што тья пингть эзда минь сембодонга оцю мяль шарфттама футболти, волейболти, ундемати, велоспортти. Тяда башка, планц коре минь ётафттама пешай перехотт, противогазса похотт и различной соревнованият.

И. Грачев,

школанъ военрукс.

ГИМНАСТИЧЕСКИЙ КРУЖОКЪ РАБОТАНЦ КОЛГА

1941 кизоня минь школасонк организовандаме гимнастический кружок. Кружокти кармасъ сёрматфнема гимнастикатъ кельгиенза. Монъ кочкамазь кружокти руководителкс.

Кружоконъ четтненъ мархта занятиянь ётафтомс кочкаме ши—сембе мялснон азозь ётафнемс занятиятненъ выходнойста.

И карманъ кружокъ мархта вятема занятият, стараяданъ, штоба четтненъ пяхоня интересовандафтмс гимнастикатъ мархта.

Мекольденъ пингть кружокъ эса активнайста работай 18 ломанъ, синь сашендыхть сембе занятиятненди. Кружокъ работац мольфтеви планонъ коряс. Тяни ётафневихть занятият легкой атлетикатъ и гимнастикатъ коряс.

Оцю лезкс кружокъ работазонза максси В. С. Северин учительсь.

Вас. Кечин.

2 № СТРЕЛКОВАЙ ГРУППАСЬ

2 № стрелковой группасъ, коса мон ащан руководителкс, мекольденъ пингть пях цебарьста ладязе работанц.

Тонафнемок лац 10-це класса, мон, тяда башка, макссеса виизень стрелковой группатъ работазонза. Сембе занятиятненди тиенди конспект, конатненъ проверякшнесыне школатъ военрукоц Грачев ялгасъ. Занятиятне ётнихть военрукъ и школанъ директоръ наолуденияснон вельде.

Стрелковой группатъ сембе членонза оцю мяльса тонафнесазь военной теветъ, и лияцендыхть малокалиберной винтовкаста аф калдывста, лядендемста группазе макссъ средняйста 41 очка, а монцъ 49 очка. Ковти ётафневи ниле занятият, и четтне аф нолыйхть синь эздост фкявок.

Дм. Родин.

С. Федоров.

Школьный эрэф



100 процентнай выпусконкса

Штоба успешнайста ётафтомс испытаниятнень, эряви цебарьста тейст анокламс. Тя работати кемоста кярмодсь Сире-Шайговский районнь Сарга велень начальнай школань педагогический коллективсь.

Испытаниятненьди анокламаса ётафневи ни оцю работа нилеце классонь ученикнень ёткса. Особенно оцю ответственность ащи учительхнень лангса тя классь сяда процентнайста нолдаманц инкса. Школань заведующийсь, нилеце классонь учительсь Алямкин ялгась сявсь эсь лангозонза обязательства — сатомс испытаниятнень эса отличнай и цебарь результат.

И. Алямкин,
Д. Алямкин.

Кельгома учительницаньке

Евгения Валерияновна Приходько пях кельгсы эсь педагогический работанц. Итгнень воспитандамасон и тейст образованиянь максомать лувондсы эсьтейнза почетнай тевкс. Сисемце кизось работай Сире-Синдровский средняй школаса немецкий кялень преподавателькс. Сонь воспитанниконза кунара ни аделакшнесь средняй школать и тонафнихть высшай учебнай заведенийтнень эса.

Приходько ялгать ученицац Андрияновась, получамок немецкий кяльса прочнай знанияц, сонць тини преподает такажа школаса немецкий кяльть. Аф ваномок эсь сирешинц лангс, Евгения Валерияновна эрь уроковонды аноклакшни цебарьста.

П. Базаркин.

МОНЬ РАБОТАЗЕ

Мон тонафния 10-це класса. Нинге ингольдень класснень эса мон пях кельгине военнай тевть, тонафниень винтовать частензон, противогазть. Пях оцюволь монь радостезе, мзярда тонадонь лац ляцема.

Военнай тевть пях келгоманкса, цебарьста тонафнемазень инкса, монь кочкамазь 1 № стрелковой группати руководителкс. Стакаль работаме, но мон путнень лама вийда, штоба группастон военнай тевть тонафниенза лисельхть школаса васенце вастти. Кармась тевозе сяда лац

молема.

Группасон марнек 27 ломань и сембе кярмодеть оцю мяльса тонафнема, кажнайти интереснайль тевсь, кажвайть мяльса ащесь — повфтам пулять цельти.

Эрь занятиять ётафтомс мон аноклакшня конспект, конатнень инголе проверакшнесыне школать военрукон Грачевсь.

Интереснайста ётнихть занятиятнень. Кружокть членонза сашендыхть опазданияфтома. Силь анокласазь пряснон, штоба улемс анококс странать араманцты. Сергей Казаков. Кочелаева веле.

Отметкасна отличнайхть

М. Пашад велень средняй школаса аф кржа ученик тонафнемань тевса и поведенияняфнихть образцовай показателхть, сатеть анычек отличнай и цебарь отметкат. Школаса примерке служайхть Н. Кирдяшкин, М. Гулькина ученикне, конат тонафнема кизоть васенце четверти эзда сямомок и мянь тямимс тонафнихть

анычек отличнай отметка мархта. Сянкса тейст школань дирекциясь ётай тонафнема кизоть максесь почетнай грамотат. Тяминень пингть максеть вал, што тяддень тонафнема кизоть аделасазь отличнайста тонафнезь.

И. Мионов,
Г. Дворецкий.
Пурдошанский район.

Машась отличница

Кудашкина Марьясь пионерка. Сон тонафни нилеце класса. Аф ваномок ёмлашинц лангс, сон пях трудолюбивай. Путнесы сембе виинц, штоба аккуратнайста, точнайста пяхкотькшнемс куду максф заданиятнень. Урокнень эса оцю мяльса кулхонды саны, мезе азонды учительсь. Аф стак нилеце кизось тонафни анычек отлич-

найста и цебарьста, а нилеце класса отметканза анычек отличнайхть.

А. Кудашкин.
М. Маскинский выселкань НСШ, Сире Синдровский район.

„ССОРЫ И РАЗДОРЫ В КЬОДЖЕ“

Кеподсь занавессь. Спенать лангса Донна Сковорода, Лусьетта, Либерта, Арсетта и Чекка. Силь кодайхть кружеват и корхнихть эсь работаснон, приданайн анокламать и рыбакиень колга, конат ня шитнень эзда ёрасть самс моряста, — калонь кундама вастета.

Но вов сась Тоголо. Мирнайста корхтамать васте ломаттне ушеткшнихть сялондома и тиендемс фкя-фкянди оскорблений, конат аф лотксихть мянь спектакльть пес.

Васенда ваномок, бта ня аватне кельгсазь сялондомасон и сялондыхть анычек сянкса, штоба веселяста ётавь пингсь, афоль уле скучна. Но кда ваномс сяда тов и лацкас арьсят спектакльть социальнай смыслай лангс, то шарькодьсак, што ня ломаттнень эряфсь ёрдазень сялондомати и марнек эряфсь ащи тейст горяке и несчастьяке.

Алятне кафкса ковоень пингс тешендыхть моряв калонь кундама и кие содасы мрдайхть или аф... А может морянь шторматне тапасазь тартанасон и калонь кундайхне арайхть

морянь животнайхненьди ярхцамбалькс... Ня стака мяльхне аф кадондсазь кьоджинский аватнень и стирнятнень покойс, мзярда силь мирдсьна, женихсна и братсна тешендыхть моряв добычанкса.

— Аф оцю бедась, кда Бенпась атказай Оресттат эзда, — корхтай Лусьетта, — муля стирь. Кьоджаса стирхнень питнесна аф оцю.

— Аф, — отвечай тейнза Донна Сковородась, — нилеге монь тежянь эряйхнень эзда, пожалуй, колмагемонь тежянтне ават, и сембонди вдь эрви лисемс урвакс. А штоба лисемс рывакс, эрви анокламе приданай, а приданайхть могут анокламе анычек козянь стирхне.

Гольдони тя эсь пьесасонза яркайста няфтезе XVIII веконь итальянский народть эряфонц и бытоноц. Тяса царит пощадафтома эксплуатация, взяточничества. Гольдони сонць одкс пингстонза работакшнесь следователькс Кьоджаса, сяс и маштьс няфтемс трудовой народть аф кирдевомшка стака эряфонц. «Минь эсь эряфонь-



конь мархта рисковантатама, якатама моряв, а нят бархатнай шляпаса якай торговельне минь трудсонь козякоткшнихть» — корхтай Падрон Тони рыбаке эсь монологсонза. (Артистсь Видьмановсь).

Кодак анычек рыбаке сайхть берягти, силь кружесазь торговельне, конат эряскодыхть уцес питнеса рамамс калхнень, а лия вастса мимс сяда питниста.

Спектакльть идейнай смыслай разрешандаф правильнойста. Башка исполнительхне аф калдывста налквозь эсь рольсон. Мордовский АССР-нь заслуженнай артистсь С. И. Кол-

ЕВРОПАСА, АФРИКАСА И АЗИЯСА ВОЙНАСЬ

(Майть 6-це шистонза военной действиятнень дневниксна)

6-це майть карша веть несколько сяда германский бомбардировщик участвовандась Глазготь и Ферт-оф-Клайд заливть (Севернай Англия) района военнай объектнень лангс налетнень эса. Кода пачфнесы германский сводкась, верфнень и военнай заводтнень эса тифтоцю разрушенияц, кривязеть промышленнай предприятияц, докт и снабжениянь склатт. Тяфта жа мольтфевсть операцияц моряса. Баяффт 5 и колаф 7 английский суднат.

Английский авиациясь саяка жа вения тисв налет Рейнский область (Германия) центральный частьсонза промышленнай ошнень лангс. Главнай объекткс налетти ульсь Мангеймсь.

Эгейский моряса германский армияц частенза заняць греческий островнень Лесбость и Хиость, а итальянский войскацне — Аморгос, Анафи, Иос, Сантори, Наксос и Парос островнень.

Севернай Африкаса германский и итальянский войскацне отбили английский частьтнень од контратакасон Тобрукть маласа. Англичаттне тиендеть попытка сяземс Тобрукть перьфосадань кольцоць, но тя изь удала.

Соллутть районац английский механизированнай частьтне тага тисть вылазка неприятельть каршес.

Восточнай Африкаса, Абисинияса английский войскацне заняць од важнай позицияц и стаки молихть инголи.

Иракса военной действиятнень сембе сяда пях вишкомкшнихть. Тяминень пингть тяса тиевьст колма фронтт. Васенце фронтсь

ащи аэродромть Хабаниять района, кона ащи фкя инь важнейшай опорнай базакс английской авиацияц Средиземнай моряц и Индиять ёткса кить лангса. Тя аэродромть эса ащихть английский самолеттне и ули английский войскац гарнизон, конань эса лувондови несколько тежянь ломавь. Хабания аэродромть перьфмолихть основной бойхне. Аэродромсь кружаф иракский войскаса и апаж лотксек лянценди лангозонза иракский артиллериясь.

Омбоце фронтсь моли Басрать (странать юго-востоксонза ош) эзда сямомок Ковейт английской колонияц границацты молема. Кода пачфнесы Рейтер агентствась, английский войскацне оккупировандазь Басраса докнень районцнон, аэропортть и электростанцияц.

Колмоце фронтсь моли Трансиорданский границац кувалмос. Тяса сембода пях моли партизанский характерса тюрема.

Английский командованияц сводкасонза корхтави, што английский авиациясь машфтозень ни иракский воздушнай виыхнень оцю частьсон.

Иракский властнень нолдасть ведь Мосулань нефтесточникнень районц. Лоткаффт работатне нефтепромыслатнень эса, конат принадлежат английской нефтяной компанияц. Лоткаффт Хайфав (Палестина) нефтепроводть эзда нефтань максомась.

Английский газетатне корхтайхть, што англичаттненьди иракский нефть аф нолдамац нинге афольхнень лоткаффа Средиземнай моряса английской флотть действиянзон. Саяка жа пингть Германияц тя нефтась улець ба пях важнай. Газетатне марьгондихть, кда эрявксты срафтомс Иракса нефтяной промыслатнень, штоба силь афольхть пов Германияц кядьс. (ТАСС).

(Падрон — Тони) и Сорудейкин (Тоголо).

Аф педа-пес аделаф Беппатель (артистсь Ильин). Силь налкжомасон эзда аф няеви итальянецонь темперамент. Ильинць способнай артист и сомненияфтома можна азомс, што сон эсь сяда товодонь творческий работасонза машфтсьне ня аф сатыкснень.

Аф серьезнайста работась Солдатов артистсь, конац налкксы Падрон Виченциоть роленц. Сондейнза ащесь няфтево кодамовок характер, аш кодамовок целеустремленность. Сонь налкжоманц эзда зрительсь питай мезевок аф шарьхкоди, и сонць артистсь аф содасы, кода ёрасы няфтемс калонь торговельц Виченциоть образонц. Солдатов пяхкотькшнесы анычек ся мизансценатнень, конатнень няфтнесыне режиссерсь, но сонцень творческий работац и фантазияц зрительти аф няеви.

Тя спектакльсь путф театрань комсомольский организацияц инициативанц вельде.

Ив. Кочури.

Ответ. редакторсь
И. ЧУДАЙКИН.